

分宜縣志序



粵稽三代之世設職方官掌
天下地志不必身歷而邦國
都鄙山川形勢與之貢賦物
產班班可按
祖入咸陽華

圖籍藏之誠識天下樞要功
爲第一則郡縣地土書所
關甚重誠非渺小西秋余
奉

命來宰分邑甫下車見城郭蒼
涼田多青草捩腕久之及詢

邑志僉曰明之萬曆丙戌周
公修之迄今九十餘季經鼎
革兵燹後舊板散失沒傳云
余以仕初鞅掌未嘗纂輯越
次季壬戌適滇黔

朝廷大一統之盛

命儒臣纂修會典廣徵天下郡
縣志誠一時盛事余因而喜
曰志者記也一邑六事無不
從而記之是天下大經大法
大名義大公道所自出也其
可使之泯泯不修乎爰搜舊

志採舊聞延邑之貢士文學
就館互相考訂訛者正而遺
者補繁者刪而新者續邑以
內山川地勢之勝賦稅戶口
之繁風俗人才之盛學校壇
場之舊人焉忠孝節義之著

士焉文學德行之高與夫名
宦政蹟題詠詩文靡不分門
類聚登載無遺由是可爲一
邑之信史矣遂捐俸選材付
之梓人書成釐爲十卷以副
上憲徵考以永其傳是書之集


豈僅資一時之檢閱已哉蓋
欲後之生于斯者覽之知某
也忠某也孝某也節義思以
景仰之官於斯者覽之知某
也循某也良某也政教思以
景行之士農工賈之居於斯

者覽之知某人文行之高某
人出處之正各思務其業而
勵其行以承先哲之聲光於
不朽享太平之盛治於無窮
也是志之關於治化也大爰
書以俟後之執筆者

康熙癸亥蜡月

文林郎知分宜縣事南海蔡
文鸞撰





北至萬載縣壹百肆拾里




南至安福縣壹百里

分宜縣志卷之一

輿圖考

東至新喻縣柒拾里



蟠龍山

雞足山

光子山

合嶺 狀元橋

盧肇故居

陳雷里

三松山

盧塘

表嶺

洪陽洞

昌山峽

落星湖

西至宜春縣捌拾里

紅花江

山峽

王國

山峽

山峽

分宜縣志目錄

卷之一

沿革

城池

山川

形勢

疆域

卷之二

風俗

土產

戶口

田賦

土貢

徭役

兵衛

卷之三

縣署

儒學

書籍

學田

社學

舖舍

倉儲

壇壝

祠廟

寺觀

卷之四

橋梁 坊巷 場院 坡塘 古蹟 丘墓

災祥 樓閣

卷之五

縣職 學職 屬職

卷之六

辟舉 科第 貢監 封廕 隱逸 流寓

節烈 吏仕 仙釋

卷之七 烈傳

秩官 人物

卷之八 藝文

賦 詩

卷之九 藝文

記 遺事 文 序 疏

卷之十 藝文

又記

修志氏名

總裁

袁

州

府

知

府于嗣昌

袁

州

府

同

知楊聲遠

纂修

分

宜

縣

知

縣蔡文鸞

較訂

教

諭胡壽先

訓

導喻全赤

典

史馬元傑

督理

貢

士林育蘭

趙淑孔

袁嘉慶

嚴開祐

生員嚴一灝

彭燮

仝考正

分宜縣舊志序

分宜舊無縣而何有縣志自宋分宜春據上游而當水陸孔道因制為縣是為分宜則縣始有志在宋紀宋在元紀元迨我

國初第又不過紀往跡耳而歷世久遠業已皆化為烏有雖地不改闢所稱文獻者無徵矣余不佞以庚辰之役受

命來茲而適當一時殘闕之餘方日夜自惟蓋謂風俗淳漓非志不傳人物代謝非志不永乃前者既

邈後者莫續有司之過也何敢讓焉於是竊不自料其狂瞽網羅里巷訪失舊聞勒爲六卷綱六目凡四十有五亦欲以究相沿之故通古今之變顧睹記多遺僅存什一艸創罕次未叶篇章六載于茲而功乃竟儻所云史之難無過於志詳哉其言矣若乃修廢舉墜用鑒前車核實稽名期臨后土則余不佞所以上畏

國是下懼民非持公正而發憤者也卽獲罪於衆能家置喙乎昔子雲好事常懷鉛提槧從諸計吏採四方之語以爲裨補今雖不敢竊比古人後之君子儻能做彼遺意嗣我斷簡則是編所載亦鉛槧已夫

明萬曆丙戌季秋九日

賜同進士出身文林郎知分宜縣浙鄞周應治撰

分宜縣志卷之一

建置沿革

分宜縣古禹貢揚州之域歷商至周春秋爲吳越地
戰國爲楚地秦爲九江郡地漢初爲淮南國地後祈
淮南置豫章郡領縣拾捌一爲宜春此爲宜春東境
由漢入宋俱屬焉至宋雍熙元年拆宜春之神龍招
賢豐樂化全儒林彰善挺秀文標旌儒清教十鄉置
爲縣其名分宜者以分自宜春也爲廂三爲都三十
五爲里一百有八

坊廂在縣中東廂在縣東西廂在縣西神龍鄉邑東統都三里十二

招賢鄉邑南統都四里十一豐樂鄉邑南統都四里十二化全鄉邑北統都

都三儒林鄉邑東統都三里十二彭善鄉邑西北統都五里十三挺秀鄉

邑西統都四里十一文標鄉邑北統都三里七旌儒鄉邑北統都三里十三清教

鄉邑北統都三里十

城池

分宜邑治居郡下游八十里南接安成通楚茶攸為

郡東鎖鑰縣舊無城明正德七年知府姚汀知縣蕭

時賓始興城役然謂于財力東西西北三面以甃為墉

高僅丈餘厚不及三尺南濱水惟稍壘石堤列木柵

其上嘉靖戊午旁郡寇起兵部疏請郡邑皆宜築城

巡撫都御史何遷謂分宜舊城隘且不堅非所以戒

不虞也遂度地計工視舊址加闢檄知府季德甫統

理知縣戴廷恣董役己未十月營始庚申三月落成

東自萬年橋迤北至西臨河水巷長四百七十六丈

高一丈八尺基廣一丈二尺面八尺南面河岸自西

徂東長三百二丈民居叢逼不可城乃自河底甃石

高二丈四尺上與岸平加女墻六尺舊城門四後增

爲五東曰仙臺通新喻西曰昌峽通宜春南曰清源
過萬年橋通安福北曰袁峰通萬載稍西北曰小北
門城樓五座水關二道少師嚴嵩助修至明崇禎丁
丑楚寇氛起攻府城鈐邑官民力守城獲全第南瀕
江高廣稍遜他城易傾圯入

國朝知縣江載清吳大相相繼迭修康熙三年五月
奉總督張公朝璘行縣修城守道施公閏章知府李
公芳春等各有捐助檄知縣朱勗加高女墻新修馬
道復于五門下各建營房一間爲守兵止宿處啓閉

稽察庶稱便焉

山川

鈐岡 在縣水南里許自紅花仰延袤數十里有新澤
水出於右長壽水出于左水夾于山未故名鈐
群峯圍合如列屏障而茲山獨端秀凝重止與縣對
登之則一邑皆在目上有孚惠行祠官民時祀之山
腰有泉涓流冬夏不涸病者飲之卽愈自卓泉上至
振衣有四亭一傍雲二翠微三撫松四漱石明邑令
周應治創半山有亭各問泉司李徐之孟創爲邑中
勝景明崇禎癸未冬值獻忠寇變行宮遭燬亭皆傾
圯 國朝康熙甲辰守憲施公閏章捐貲重建撫松
亭

仙臺山

在縣東五里羣山環抱一峰高聳世傳有牧
羊者登山遇兩仙對奕語之曰此上界也子
下界人何爲至此
今其村各下界

昌山 在縣西二十里彰善鄉寧安里其山下瞰秀江
昌山 怪石絕流舊常覆舟名曰傷山後改今名又名
昌山 峽顧野王輿地紀晉永嘉四年羅子魯于山峽
為陂灌田四百頃今崩塌

鐘山 在縣東十里神龍鄉鐘山里其山下瞰秀江水
嘉元年有大鐘從上墜出視其銘秦時所造遂名鐘
山有巨石橫江數里又名鐘山峽輿地紀勝云常有
一漁人釣得一金鎖長數百尺又得一鐘狀叩之聲
如霹靂山川震動漁者懼沉于水或曰此秦時驅山
也鐸

清風山 在縣南三十里下有寶慈觀世傳西晉時黃
仙姑修煉丹成白日昇天有煉池在觀之東

行山 在縣南五十里神龍鄉清風里山頭有路故名
仁山 在縣南五十里招賢鄉登龍山下有壽安院世
傳有一老僧遊方駐錫建刹取仁者壽之義

白巖山 在縣南五十里豐樂鄉新興里有永清院歐
陽玄詩高人獨坐白巖阿巖下皚皚白石多
曾到普陀南海岸白花
無數湧盤陀

伏虎山 在縣南五十里下
定心臺 在縣南五十里豐樂鄉雙源里
其上有葛仙翁祠

銀山 在縣南二十里山巔多白石如銀地名
招賢鄉登龍里

仰嶺 在縣南六十里豐樂鄉新興里極高峻登之可
遠望吉安城相傳唐世有尚雅祖師騎虎至此
山因建
寺焉

石分嶺 在縣南五十里豐樂鄉
大清里抵安福界

西磯岡 在縣北四里神龍鄉
善和里

袁嶺山

在縣西北化全鄉德全里祖末山之脉自北

江夾會而至袁嶺七峯傳漢陳蕃薦袁閔可登三事

安車徵之及黨禍將作閔築土室隱其下因名袁嶺

五猴山

在縣北三十里側有明惠院

貴山

在縣北四十里

雞足山

在縣北八十里旌儒鄉陳雷里有聖壽寺背

之鹽遂

有石窵日出鹽以足寺用後人嗜利鑿而大

足來崇

小梵天珍重老師重說法半空鐘鼓舊山川

龍王山

在縣北七十里彰善鄉德興里山有泉上有

臺山

在縣北二十五里山頂

清泉山

在縣北十里文標鄉清溪里山有池泉清徹

寶應山

在縣北一百里清

花林山

在縣北六十里彰善鄉

大泉山

在縣北三十里儒林鄉

蟠龍山

在縣北八十里旌

墓石嶺

在縣北三十里豐樂鄉有清源真君廟其山

玉岡山

在縣西二十里化全鄉遵化里卓立如削玉

雪山

在縣西二十五里彰善鄉寧安里鍾袁山七峰

光子山

在縣西四十里彰善鄉依仁里晉時李林字

三松山

在縣西七十五里挺秀鄉江揚里下有淨覺

紅花嶺

在縣西二十里化全鄉長壽里其北有閩城君廟

耳竹山

在縣西三十里相傳觀察使李憲子游刺袁州沒葬於此

大梅山

在縣西六十里文標鄉清溪里其山多梅成林又有桃溪山環抱溪泉

三峰山

在縣北一百里下有明教禪院地名旌儒鄉陳雷里

洪陽洞

在縣西十五里袁嶺三峰之麓世傳葛洪婁陽棲真之地洞門東向高數十丈初入石室

平坦明爽可容百人由西竇而入始暗每間各有小門次第而入舊有游人至七十二間聞昌山渡篙聲餘則隘而不可行矣其中有白沙如鹽傍有鹽翁石傘石帆石鼓石田及仙佛諸像洞中有水春溢冬涸雲霞網緼內有穴通頂仰見天日俗云天心又有石熒至春或能飛翔胡徽詩天窗通月影地穴透江津明萬曆丙辰守道鄔鳴雷因山為屋約分三楹重塑二仙真像扁書古洪陽洞

小洪陽洞

在前洪陽洞之頂門隘中廣可容百人中有天倉及石磨石閣之類不可勝紀石如膏

乳有類王者舊傳有晉宋人題字在深杳處無火不可入且險絕難到

靈仙洞

在縣北三十里儒林鄉洞內去地三十丈景

三寸許圓如既望之月略玷缺傍有一石磨與丹爐尺寸不差毫秒或以為爐蓋但道遠路僻遊者罕至

桃源洞

在縣北一百里上樂里高峻幽邃洞口空明

在縣北行半里許至一石室極虛曠有石鐘石磬扣之有聲竇穴奇怪不可窮詰又直北一室天窓虛明石帆至地躋攀而上所見愈奇石級如田田傍石樹如荔枝有泉泓澄石龍天矯其上淡入則路窄或云可通上高末山

風洞

距桃源洞二里居山之陽陜不可入旁有流泉

於中食項輒凍其上有亭

硯石池 在縣東十餘里唐盧肇讀書臺上

馬鞍石 在縣東鐘山峽水中以形似故名

望夫石 在縣西十五里昌山峽水中地名望夫堰俗傳有婦望夫不至化為石胡徹題洪陽洞詩

云望夫千古堰化石一真身鈴岡志云唐會昌時有鄭公字望夫於昌山下百步修復舊堰引水自沙湖

過李家村經縣治北合騎嶺水灌田不知其幾後人思其德遂以字名堰今兩存之

鎖石 在縣南竇雲寺山中

昌山峽 語具昌山有夏果齋詩語具藝文

鐘山峽 語具鐘山舊傳唐盧肇讀書臺在其上有鄧廷言詩語具藝文

黃真人臺 在縣南五十里山顛有巨石坦平世傳晉世有黃大古者修煉於此舊有廟今廢

水

縣前江 即秀江水至此澄澈環抱古詩云江抱羅村如玉帶亦曰清源渡

渭江 在縣東三里自新社江流至七里坑出

巖塘江 在縣東南三十里發源自檀溪及李家礮出

硯江 在縣南五十里自雙源裡源發源會於雷同嶺下章溪至石磊下為峴江築陂灌田數千畝

楊江 在縣西北四十里順流會秀江水而逝

赤江 在縣北文標鄉源出珠塘之泉下流三十里由江斜出昌山峽而合秀江

野江 在縣西化全鄉源發謝家坊流入秀水

介谿水 在縣北十五里化全鄉發源介塘淳澮清澈中有巨石平坦冬夏不竭溉田千餘畝至就

雙溪水 在縣南五十里兩帶會流出雷同嶺下歷章溪至峴江

石馬水 在縣北清教鄉崇仁里其水出於石馬村流數十里過楊橋

森塘水 在縣北清教鄉青林里其源出於上高下流二十里至楊橋合流

楊橋水 在縣北文標鄉與化里眾水所聚下流六十里至楊江合秀江而東

竹橋水 在縣東北二十里自臺山發源至聖陂普光橋出小江口白漢渡會袁河

歙州塘水 在縣北文標鄉世傳盧肇為歙州刺史後歸築塘於舍側因名

庾塘水 在縣西化全鄉德崇里流大塘東折而出鵬津下秀江

大龍塘水 在縣西化全鄉德崇里源發大龍田山麓下南出謝恩橋入秀江

汶江水 在縣南五十里左自仰嶺發源右自黃真人臺下發源流達至大清里泉江山下二水相

夾出安福同橋盧陵板陂至吉水同江聚入大河

社山龍潭水 在縣北德興里源發山下出下城同桑林合流下新喻

禁山水 與大源水俱在縣西化全鄉德全里源發山下過土田流入秀江

盧塘水 在縣西彰善鄉寧安里源發塘中北流出江斜下秀江

野源水 在縣南化全鄉長壽里源發謝家坊出石陂剪陂流入秀江

塢源水 在縣南招賢鄉登龍里源發塢嶺出苦竹山下流至新社合流出峽石入秀江

十家礮水 在縣南招賢鄉登龍里源發礮下出新屯南合檀溪流下新喻

梁塘水 在縣北儒林鄉潘溪里源發塘內出胡潭過陂合流下新喻

痕山水 在縣南登龍里源發山下

金塘水 縣北二十里宣楊里舊傳金家居此一日齋

曰若有犬御鞋走可徑趕去婢如其言趕至山下同

西岡湖 在縣北四里廣六

落星湖 在縣西五里廣五十餘畝其深莫測耆舊相

白犬至門宜速徙母候之晝夜不寐果如僧言母乃

因名為落星

狀元洲 在縣西關黃土潭之下諺傳沙洲插縣前分

沙米洲 在縣東鐘山峽中春夏湍急白沙擁起兩岸

豐北岸

楊潭 在縣西六十里挺秀鄉江夏里其潭楊秀二江

楊柳潭 在縣南

石浪潭 在縣西三十里彰善鄉寧安里岸石激水成

黃土潭 在縣西

學步潭 在縣西真

江斜潭 在縣西三十五里彰善鄉寧安里合縣北溪

轉鐘潭 在鐘山峽世傳黃巢黨以鐘烹牛其鐘靈轉

義井泉 在縣治東九十步宋

卓篙泉 在縣南鈴岡卓泉亭相傳昔仰山二神維舟卓篙於半峰遂有泉湧出舊亭廢萬曆六年知府鄭惇典重製障石欄於外登臨可憇望焉今廢故址存

源澗泉 在縣大清里泉源嶺可溉田百餘畝

形勝

府志云昌山層巒疊翠袁水西來折山麓觸石滾盪瀉出石峽之間下爲秀江清源澄澈縈迴縣前東有鐘山仙臺二山對峙下墜水口縣北袁嶺七峰筆卓水南鈴岡列障屏橫四山週合宛若城圍縣治濱水形如篋狀昔蔣之奇詩云分得宜春地東偏一畫屏

疆域

分宜縣東西六十里南北一百五十里

東至臨江府新喻縣界二十里以鐘山爲界自界

至新喻縣五十里

西至宜春縣界四十里以彬江橋爲界自界至宜

春縣四十里

南至吉安府安福縣界五十里以石分驛爲界自

界至安福縣五十里

北至瑞州府上高縣界一百五里以梅山爲界自

分宜縣志
界至上高縣三十五里

東南至吉安府廬陵縣界五十里以迎塘嶺爲界
自界至廬陵縣一百五十里

西南吉安府安福縣界一百里以澗富嶺爲界自
界至安福縣六十里

東北至臨江府新喻縣一百里以櫟頭山爲界自
界至新喻縣八十里

西北至宜春縣界九十里以梁觀村爲界自界至
宜春縣六十里

分宜縣志卷之二

風土考

風俗

輿地志云事簡民淳韓退之序云賦稅及時閭里無
事黃庭堅云士夫秀而文細民儉而健張九成學記
云儒風之盛甲於江右寰宇觀云風土爽塏山川特
秀家給人足多尚黃老清淨之教重於隱遁有徐孺
子遺風與隆興吉州同汪應辰序云土俗愿樸合諸
君子書序觀之其概可見

土產

穀屬粘穀糯穀麥豆芝麻粟。木屬杉松株柳桐椿
 梧棕茶子白楊烏桕山棗。竹屬甘竹苗竹實竹方
 竹苦竹淡竹。草屬石菖蒲鳳尾草。花屬山礬木
 蓮蕙蘭菊山丹山茶扁竹桂梅紫薇木槿躑躅薔薇
 牡丹芍藥茶藤含笑芙蓉櫻桃蜀葵玉蕊海棠。菓
 屬桃李梨棗柿栗蓮菱芡橘橙杏楊梅石榴。蔬屬
 薑芥芹荀蕨蓴菌菘芋薯瓜。藥屬黃藥白欽白藥
 白芨白皮地黃烏藥山藥荆芥草烏香薷甘菊葛根

瓜萋百合厚朴石楠半夏薄荷茴香野葛車前子蒼
 耳子山梔子薏苡仁五倍子益母草白扁豆香附子
 天門冬麥門冬紫金藤。桑麻屬苧棉葛。貨屬茶
 油炭。禽屬鷓鴣雉鷓鴣白鷓鴣鷓鴣錦鷄竹鷄
 茅鷄百舌鷹鶴鵲鴿灘鴻練雀鴛鴦鸛。獸屬羊牛
 鹿麀鹿兔。鱗屬鯉鯽鰱鰕鯽鮓

戶口

宋太中祥符間戶一萬六千七百九十八口三萬
 八千四百九十二

明洪武二十四年戶一萬三千二百三十口七萬二千二百八十七

永樂十年戶一萬四千六十二口七萬五千一百六十五

弘治十五年戶一萬二千七百七十一口六萬二千二百七十四

正德間數同弘治

嘉靖三十一年戶一萬二千八百二十七口六萬二千六百零六

萬曆十年戶一萬一千八百零五口一萬六千四百五十一

萬曆四十年戶一萬一千八百一十六口一萬六千四百六十一

國朝順治十三年戶八千三十七口二萬三千八百五十七

順治十四年戶照舊 口新增二百五十二新舊共口二萬四千一百零九

康熙二年戶四千七百五十七口新增九十七新

舊共口二萬四千二百零六

康熙二十一年戶七千七百九十五口一萬六千四百六十一

附載

袁州衛實編屯丁三十丁每丁徵銀壹錢貳分陸釐柒毫四絲六微六纖共徵銀叁兩八錢零貳釐貳毫

題允新增額外棚民戶七十三餘丁一十一每丁徵銀壹錢貳分六厘八毫五絲七忽壹微六纖

口八十四每口徵銀柒釐叁毫三絲貳忽七微以上共戶口一百六十八各徵不等共徵銀一十壹兩貳錢七分壹厘九毫

按棚民戶口自康熙甲寅寇變宜春三關猖獗各縣棚戶乘機爲亂儒林旌儒清教一帶咸受荼毒及大兵蕩平聞風遜去今戶口已無而編銀未除縣受賠累俟上詳具

題請蠲

田地

原額一則田貳千一百六十七頃七十八畝九分
貳釐三毫

每畝科米一斗六升八合八勺四抄五撮九圭
一粟

一則地五百一頃六十六畝六分

每畝科米八升二合七勺六抄二圭

一則塘四十二頃九十五畝七分一釐

每畝科米五升四抄六圭二粟

以上田地塘共科米四萬九百六十八石九斗八

升一合三勺六抄三撮七圭七粟外牛租米六
石不在田畝內派筭

順治十年二月內題 准清汰浮糧夏稅米麥壹

千九百五十壹石三斗七升七合五勺七抄秋

糧官民米壹萬九千三百八十四石四斗一升
四合八勺共減糧差并加增等銀壹萬五千八
百兩二錢一毫又于

順治十年七月內題 准開除荒蕪奉清丈勘明

水推沙塞田一十四頃四十九畝四分四釐三

毫該減銀一百一十兩一錢九分三釐 現在

夏稅秋糧牛租官民米貳萬一千四百五十五

石四斗三升三合八勺八抄 原共編折銀壹

萬七千三百八十六兩五錢一分六

按分邑自甲寅變亂人民逃殺田地荒蕪過耕

文康熙十九年全徵除招墾外尚實

荒田地七十五頃二十八畝零缺徵銀四百八

十九兩四錢零知縣蔡文鸞達二十年九月到

任連年賒解從無派累

又全書附載

一兵糧官徵官解舊例每官民糧一石議幫使

費船價等銀一分九厘六毫七系共該銀八百

六兩徵給解官運米赴江南使費近奉商院

題留本省內以七分改折徵銀抵餉止存本色三分

兵米又奉汰浮除荒減耗免編外按照應徵本

色米一石外加使費銀一錢共銀一百四十七

兩零印官照數徵給以為顧船募夫使費

一起運 明夏稅京庫折銀一千二十九兩六錢

零耗銀二十八兩八錢零 秋糧京庫

折米二千八百六十七兩九錢零 耗銀八十

兩三錢零 南京倉本色正米六千八百八十

二石一斗 副米二千四百七十七石五斗

載批解部銀二百九兩八錢零 船騾脚費銀

三百七十一兩二錢零 舊例派剩米銀四百

六兩七錢零 耗銀一十一兩三錢零 京庫

本色苧布銀二千七十一兩零 折色銀八十
 四兩 耗銀二兩三錢零 南京庫本色苧布
 銀一百二兩六錢零 折色銀二千二百七十
 九兩零 耗銀六十三兩零 南京庫棉布折
 銀七百二十四兩零 耗銀二十八兩零 改派
 苧布折解舊例銀五十八兩三錢零 耗銀一
 兩六錢零 農桑絹銀一十八兩五錢零 耗
 銀二兩六錢零 四司料銀六百五十八兩零
 脚耗銀一十八兩四錢零 白蠟本色銀一
 百二十兩零 耗銀三兩三錢 折色銀三百
 兩 耗銀八兩四錢 牲口銀二十七兩零
 耗銀七錢六分 苗竹棕藤銀一百兩六錢
 耗銀二兩八錢 甲丁二庫顏料銀二十四兩
 零 耗銀六錢八分

以上五款鋪墊銀五兩五錢零

國朝 戶部項下金花滴珠 農桑大倉甲丁二庫顏料
 白蠟苧布舊例富戶鹽鈔地畝等項一十一款

實徵銀六千三百三十五兩五錢三分三厘五
 毫二系九忽五微六纖

禮部牲口藥材二款實徵銀一十八兩七錢八
 分六厘九毫七系二忽八微

兵部馬價七十六兩四錢六分一厘一毫
 工部營繕虞衡都水屯田四司魚油苗竹牛角
 胖襖神器野味共七款實徵銀一千五百一十
 五兩一錢七分一厘四系四忽八微

又本色物料苧布價墊實徵銀四百零五兩九
 錢六分六厘九毫七系五忽七微五纖

隨漕銀二百八十一兩五錢五分四厘一毫二
 系八忽二微五纖

陞丁銀三十一兩九錢三分八厘七毫 兵餉
 銀五千零九十二兩六錢六分七厘六系七忽
 三分本色兵米一千四百七十石零二斗九升
 五合八勺二抄

康熙三年新陞丁銀一十二兩二錢九分三厘八

毫 渙課商稅共銀四十七兩六錢九分四厘
九毫七系八忽八抄 匠班銀四十五兩八錢
一分三厘六毫

存留 明宗祿等銀八百六十二兩五錢零 協
濟建昌府倉米銀一千兩 府倉米銀八百

五十五兩零 縣倉米銀九十四兩四錢零
縣儒學倉米銀一百八十八兩零

國朝 各衙門經費銀一千五百三十九兩一錢四分
解司支給銀一百五十九兩五厘四毫 解

府支給銀一十二兩 存縣支給銀二千六百
三十五兩九錢八分六厘三毫五系順治九年

會議裁扣解部銀二百九十七兩二錢十二年
會議裁扣解部銀二十六兩南米耗費銀一百

四十七兩
二分九厘

以上欵目俱照郡志摘其總要至京庫起運各欵

并本縣支給存留欵目備載經費錄中不復贅

府四縣之糧元末歐祥據郡田一畝令民納米三鄉

斗計九升其後內附遂誤以鄉斗作官斗造報明

大祖知三斗且重命減半科由是民田一畝科糧

一斗六升五勺外夏稅壹升六合計田六畝二分

四厘已科糧一石外仍夏稅米一斗比隣郡臨吉

南瑞凡畝以五升三合起科者計田一十八畝始

科糧一石而夏稅在外其極重者科猶未減較袁

之額實重二倍矣正統元年知縣周瑛奏准每田

一畝比照各府縣分納本色米五升三合其餘准
收折色銀布輕齎民賴是稍甦然歲久法弊民困
如故嘉靖二十二年知府范欽備稽弘治七年前
後每糧一石派銀四錢四分五毫零正德十年以
前每石加至四錢九分九厘九毫零嘉靖年間漸
至五錢五分七厘二毫零而民力益罷九年知縣
謝載申請凡石僅減一分八厘四毫比之弘治中
尚多九分有餘都御史胡岳查袁科重量減至五
錢一分五厘五毫有畸於是知府范欽通查申請

又得末減凡米一石并夏稅共徵銀五錢二厘零
民猶稱困嘉靖三十六年知府張任據老人張檜
等呈查議申請巡撫都御史馬森嘉靖三十八年
民人高儼等復奏行知府季德甫查申巡撫都御
史何遷每糧一石并夏稅准派銀四錢二分九厘
然猶未得盡復正統成化間舊額今載知府季德
甫查復均派議并老人高儼等疏略于後 江西
袁州府宜春分宜老人高儼等謹奏爲錢糧徵派
不均經年勘議不一懇乞 天恩查照舊規頒給

定令以杜那移奸弊以救四縣生靈事切念宜分
萍萬四縣山多田少地瘠民貧稅宜特輕而反偏
重於各縣者禍因國初歐祥歸附獻報田額誤將
三升鄉斗報作十升官斗以至減半定科四縣均
爲一則計田六畝二分三厘卽坐秋糧一石外又
重複加派每畝夏稅一升六合五抄比之隣界吉
臨撫瑞等府所屬田地寬狹土穀惟均其樂安等
六縣每田三十畝有零方派秋糧米一石玉山等
十四縣每田二十五畝派米一石清江等二十四

縣每田二十畝科米一石新喻三縣亦皆不下十
畝之外派米一石又無夏稅則袁州之額賦重於
他縣者又不知幾倍矣以三十餘畝而派糧一石
則其歲收租穀不但六七十石有餘較之六畝二
分派糧一石者所收租穀不上數石計所入之豐
約若彼之相懸而所出之重輕又若此之迥異矣
然南昌縣鄉耆人民猶以每畝一斗以上科重呈
告撫按兩司俱蒙改重從輕惟袁州之民久困重
額奈之何不貧且逃正統季間本縣知縣周瑛脩

情具奏隨奉戶部議將本府四縣田糧重額官稅悉派輕賣每民糧一石派京庫折米三斗四升南
京棉苧布三斗三升本府縣倉存留本色米三斗
三升以供官軍師生俸廩等糧支用著爲定例後
因年久例湮漸有改更成化年間本縣儒學教諭
夏思義申明前例復具奏行巡撫都御史查行間
前巡撫韓都御史按臨本府查照前項輕賣事例
行仰布政司會議立法豁減永爲遵守數十年糧
甚均平民無逃竄自弘治年間奸巧漸生前例

漸弛遂將京庫折米并棉布輕賣那移散派各縣
改將南京倉糧桐油硃錫及各王府祿米等項極
重糧則槩派本府以至輕者愈輕重者愈重嘉靖
七年本府知府王卿又申前例具奏通行巡撫衙
門酌量議處分豁續蒙巡按穆御史轉行布政司
查議仍被吏書作弊委之老案燒燬止照近年徵
派卷冊不查先年輕賣事例仍未分豁以後節次
并本府宜春等知縣謝載徐斌各另申呈撫按兩
司皆緣陞遷不常迄無定議逐年但知加重毫末

不聞減輕袁州之民甚至倒折房屋變男鬻女年復一年民力殆盡逃亾接踵田地拋荒錢糧墮悞地方不勝困斃至嘉靖三十五年蒙巡撫蔡都御史撫臨准呈批府查議申奪隨蒙分宜縣知縣許從龍招撫逃亾查得袁州之地委與各縣輕重不均祇緣吏書作弊變亂舊規遂使袁州之民既受重額之科復廢輕賚之例地方被害所係匪輕脩由申呈撫巡批行司府查議間至嘉靖三十八年復蒙巡撫馬都御史臨府臣等脩將賦重田荒民

逃糧墮寃情呈院蒙知縣胡應嘉楊自治等各將前情呈府知府張任仍脩申撫按批行并議蒙布政司同糧儲等道會議得袁州之賦委係偏重比之各府縣糧額每石固有六七錢者然其田不下一二十畝則收租穀多寡四五十石之餘袁州每石止田六畝所得之租僅得十有餘石槩科每石折銀五錢有零則其利弊之相較不啻三四倍固難齊其末而揣其本也及查先年分宜縣知縣周瑛奏豁改撥本府止是京庫改銀南京棉苧布疋

存留本色倉米別無有王府祿糧南京倉米等項歷年由帖具在民間正德七年間奸書走派致將本府京折布等項輕齎那移派散各府却將各大府祿南京米等重則加派袁郡兌納卽今該府民困已極若不卽賜查豁遺逃困迫之流弊殆不知其所終也合無將本府原派京折布折南額科等糧則儘本府原定總額撥派及將加派各府祿米倉米等項或就近附府移撥或量於極輕縣分遞增庶糧額無爽積弊獲甦矣脩由申呈巡撫馬都

御史蒙批旣經會議仰照所議量爲減省通行酌派施行繳又蒙巡按徐御史批各祿俸移派不多亦無改額准照通融少蘇重科之困繳復蒙布政司查得袁州四縣田同一則每畝科秋糧一斗六升五勺外起夏稅米一升六合五抄計所收租穀不過二石原派徵銀八分五厘扣田六畝二分三厘科秋糧一石每年全徵五錢有零外夏稅較徵別郡四五畝等科則委有三倍之重相應酌處減輕會議該府四縣官米每石折銀三錢五分又續

奉加科銀一分六系六忽二微外加夏稅折銀二分五厘零加耗水脚共用紙銀三錢民糧每石仍派南京倉糧祿米等項全納每石該銀四錢一厘八毫六絲七微三纖外重加夏稅耗銀比之舊例派徵每石已蒙減省銀八分矣但思本府夏稅卽係絲棉折絹庫鈔等項各府縣刊入條規隨時徵解不復重科惟袁州府縣所解桑絲折絹茶菓等項共折銀四百餘兩正是夏稅項下之賦卻被吏書作弊將本府官民田糧每石重徵銀二分五厘理合開豁及照南京倉倉糧王府祿米舊例俱無今旣蒙矜憐議處改派又不盡改復存新項未免又起日後增添之漸一旦官更吏代書算弊生朝四暮三那西改東仍如舊日重派文卷埋沒告訴無門臣等深爲憂慮伏望 皇上垂憐請勅戶部轉行巡撫衙門查理夏稅不使重復科徵查議舊規南糧祿米并拔禍根刊立榜碑著爲定例庶一勞永逸奸人無那移之弊而袁人有安枕之期矣爲此連名親具奏聞嘉靖三十八年四月 日老

人臣高儼黃朝宗李奉高張檜劉憲爵簡朝清汪木辛可久李冲等奏聞奉 旨戶部知道部覆看得高儼等所奏袁州府宜春等四縣山多田少土瘠民貧糧賦派徵獨重他郡已經先年分宜知縣周瑛奏豁改撥由帖具在節年奏告屢行撫按衙門勘議明白准照輕齋事例科派著爲定例覆奉俞旨隨奉部咨准令照舊改撥及照前項輕齋事例開派其夏稅既係重複卽與開豁不許重徵南京倉祿米等項查照舊規卽與盡數改派仍刊榜碑永爲遵守毋再紛更以滋奏擾等因咨院到府嘉靖三十八年四月

國朝順治十一年四月二十八日江西布政司爲清汰浮糧以甦民困以弘聖政事奉巡撫江西兵部右侍郎兼左副都御史蔡憲牌前事又奉總督江南江西等處兵部尚書兼右都御史馬憲牌前事又承准戶部照會內開本部題覆江西巡撫蔡題前事據江西布政司盧震陽呈詳內稱順治十年五月二十九日承准戶部

照會本部題覆江西右布政莊應會等奏前事內
開近奉

聖旨朝覲首領官面見後如有地方情形及興革利
弊聽各官具本奏聞欽此欽遵竊聞民爲邦本本
固邦寧臣等待罪江右謹將袁瑞兩府一地二糧
重累三百餘年應革大弊爲我

皇上陳之按舊志元至治二年瑞州府開載田糧一
十二萬五千七百四十三石有奇袁州府稱是至
洪武二十四年瑞州府增至二十二萬五千三百

五十二石零袁州府增至二十一萬七千餘石較
之原額浮十萬矣詳攷其故陳友諒據瑞州兵餉
匱乏於額糧暫借一年此不終日之計也未幾友
諒敗有老人黎伯安妾將借徵冊籍抱獻明太祖
希賞遂照數起徵又歐祥割據袁州洪武初遣子
納降本郡糧民米三升其子失察誤報官斗十升
江西南昌等府糧則科田三十畝爲一石有二十
五畝爲一石者分爲上中下三則追徵惟袁州誤
報官斗止五畝八分爲一石此尤顯而易見者兩

郡之民非積年拖欠卽流徙逃亾遺累三百餘年前朝撫按屢經疏請未革

皇上如天好生與民更始正剔弊作新之日伏乞軫念江西爲天下極苦寒之省而瑞袁二府尤江省最凋疲之區

勅下該部轉行撫按丈量田畝清汰浮糧俾二府之科與本省之十一郡相準永著畫一之規早定樂輸之額實固本寧邦之首務也仰祈

聖鑒立賜施行等因順治十年二月二十八日奏三

月初三日奉

聖旨著詳察確議具奏該部知道部覆該臣等看得江西布政莊應會等奏稱袁瑞二府以凋疲殘郡科糧獨重遺累已久議清浮糧與各府相準臣部備查該省地糧較他府雖地少糧多但疏內科編緣由臣部並無元季明季冊籍可考合無勅下該督撫按備查元季明季冊籍袁瑞二府科糧獨重或地係膏腴或從前誤編苦累有何確據逐一勘實具奏以憑覆請定奪可也既經該司案呈

前來相應覆請恭候

命下臣部轉行遵奉施行等因順治十年四月二十一日題二十三日奉

聖旨依議欽此欽遵抄出到部送司奉此相應照會案呈到部擬合就行爲此合照會該布政司遵照本部題覆奉

聖旨內事理欽遵施行等因併奉督撫按三院案驗行同前事奉此隨經移行江西督糧及該轄守巡各道并行府縣欽遵確查去後隨奉巡撫江西左副都御史蔡批據袁州府申詳前事奉批仰布政司速行覆核具詳三日內報以憑彙

題繳志書併發等因奉此先據該府申稱據分宜縣知縣江載清申稱案查袁糧賦額偏重人民極疲緣明初有歐祥誤報遂以五畝八分爲糧一石在上知有斗派糧在下則畝少賦多爲袁民三百年之積疲莫甦以致科糧偏重較之他郡大相懸殊今固不敢遽比遠例但就湖西一道論之南隣安福東接新喻分宜較安福實重二倍較新喻實重

一倍今固不敢望比安福僅比新喻田有三則上一則每田一畝科官民米九升三合二勺三抄一撮分邑田止一則每田一畝科米一斗六升八合八勺四抄五撮九圭一粟田地山塘共二千七百七十六頃八十八畝四分三厘三毫共派夏秋官民米四萬五千九十三石七斗二升三合一勺今亦不敢比擬新喻中下二則寧照新喻上一則起派每田一畝應減編七升五合六勺一抄四撮九圭一粟田地山塘照新全書折算實田並以新喻爲例分宜通共應實編夏稅秋糧官民米共二萬三千七百五十七石九斗三升八合八抄應編本折色糧差除南糧改折外該銀一萬四千一百三十二兩八錢四分八厘四毫分邑通共應減編夏秋官民米二萬一千三百三十五石七斗五升二合二勺二抄通共應減編本折色糧差銀一萬二千一百七十九兩四分八厘一毫仰祈轉詳 題

奏倘蒙

俞允袁屬均係

朝廷土田赤子賦役得均嗣後世世以迄萬萬世皆
戴錫極之福矣緣由各到府該署府事本府推官
王延禔覆看得袁郡之在江右最稱疲瘠總由明
初歐祥誤報釀成三百年莫紓之困向來守令入
疆問俗未嘗不思釐正然而陳訴盈几聚議幾番
築舍道旁終無定局非礙於祖制之難更即拘於
款額之已定今幸

興朝鼎創積弊情形業蒙憲臺洞矚兩經入告小
民之顛顛仰沐真不啻望歲矣謹按袁屬田糧查

較通省有相懸至三十倍者最重之處相去亦不
下二三倍夫使地果肥腴俛首供賦可也袁處重
山複嶺之中夙號磽确每年所入不足以贍其出
賦稅從無完足之期

朝廷徒有重賦之名而無裨於實濟今據各縣所議
不敢遠比會昌等處相去二三十倍者而僅求如
壤地隣比之安福新喻仍比最重之新喻新喻最
重之上則每畝科米九升三合二勺三抄一撮
較之別屬已爲極重矣至於元季明季冊籍歷季

滋久無復存遺爲憑然屢經兵火之餘幸郡誌尚
覓獲田賦一帙呈上憲覽亦足以知其梗概矣甦
累朝之積困以息疲民定

昭代之典章而垂永久是在憲臺始終加惠也等因
申詳部院奉批前因又奉批據守巡湖西道會詳
前事奉批仰布政司併查報等因先該分守湖西
道右叅政張子挺分巡湖西道僉事鮑開茂會看
得袁陽僻處山陬地瘠民貧而賦額較他郡獨重
揆厥所由蓋起於明歐祥開報之誤以鄉斗作官
斗計斗科糧因成積累兼以額欵各定祖制難移
雖釐正各有其心而事係更張謀歸築舍積困三
百餘年而未之甦也邇幸

聖朝蒞政百度維新民間之疾苦

國賦之盈虛在當事軫恤恩勤有聞必告此正
凋疲袁氏得甦苦累之日也據詳以袁糧與通省
相較有懸至二三十倍或二三倍茲不敢遠比越
屬卽例之新喻比以上則尤爲加重其他可知也
踐土食毛敢辭輕重但以土瘠民貧之地賠累日

久髓骨蕭然以敲朴而貽逋賦之名何如一均減而實惟正之額法垂無弊爲可久耳總候尊裁其元季明季冊籍年久無存幸郡志中猶有田賦壹帙業據呈覽亦足以稍悉其概定一代之典章甦萬民之積困恩出自天非本道所得擅也等因呈詳部院奉批前因奉此併據道府縣移報同前緣由到司據此併奉前因該左布政使盧震陽分守南瑞帶管督糧道右叅議遲日震會看得江右迺禹貢揚州之域地勢形勝介山濱湖田惟下下備

載古典易於水旱難於豐稔且又差繁賦重江右爲至饒至瘠之地而瑞袁二府又江右之最下者幅員旣窄人戶稀少而科糧獨甲通省考之志載

中有瑞屬事欸未錄

則袁屬四縣在宋崇寧年間編戶共一

十三萬二千二百九十有九至弘治年間編戶至六萬六百一十有九自宋迄明人戶消耗強半矣查其田糧均係一則每畝科至一斗六升七入合不等較之鄰郡安福縣上則民田每畝科糧七升二合零新喻縣上則田每畝科糧九升三合零者

則重二倍矣然數縣皆同一壤土而起科輕重不
啻天淵其禍起於明初僞將歐祥以三升之鄉斗
報作十升之官斗遂倍其額自明迄今錢糧積逋
從無完期逃亾不止叛變不常皆本於所入者少
而賠畧多故也袁民之疲敝袁地之磽瘠兩郡相
較實同一班矣以是二郡之民徒受敲朴逋負之
刑官徒受怠緩催科之罰其在前朝亦徒受重斂
倍徵之虛名也積累相仍沿而未改告汰告減之
詞每歲具控呼籲之口血未嘗乾也當時執事洞

矚荼苦屢經上達民人望恩難下亦屢經叩
明季止邀有官徵至七分免叅之

旨然又未及清汰以出民於水火之中今幸遇我

清御宇利弊民隱 覲臣咸令入 告此誠千載一

遇堯天也故莊右轄安僉憲將二郡三百年之苦
累虛糧圖繪上陳清汰承部覆奉

俞旨備查元季明季冊籍瑞袁二府科糧獨重或地
係膏腴或從前誤編緣由確實覆 請本司道隨
經移行該轄各道併各府縣欽遵確查去後今據

該道府縣查具士民具控苦累緣由及瑞州袁州府志覆看得來委係明初奸民偽將投獻從前誤編又經本司道覆核無異合無呈請憲臺憐此數百年之重累速賜力請將袁屬每畝一斗六升七合八勺之誤科減照新喻九升三合之實賦如是袁郡殘民漸獲生聚國課永可無逋是我

皇上輕徭薄賦之政大有裨於治道矣等因呈詳到臣該臣巡撫江西左副都御史蔡士英看得瑞袁二府郡縣介在山阜聯亘之區土壤素稱沙磧提

封悉屬山隘求其沃野平原實無幾焉夫以此磽

确之區而科糧偏重者蓋緣

瑞州袁陽四邑偏重不錄

之故因明初偽將歐祥歸附之時投獻冊籍誤以

三升之鄉斗報作官斗之十升今元明二代冊籍

無存幸獲明之志書所載重賦顛末不啻皎皎查

其田糧均係一則每畝科至一斗六升七八合不

等較之接壤之境如臨之新喻上則民田每畝科

糧九升三合吉之安福上則民田每畝科糧七升

二合夫以一地之土而賦稅重輕竟至倍相懸殊

此尤易見之事也再稽之戶口在宋崇寧間編戶一十三萬二千二百九十有九迨至明弘治間止存六萬六百一十九矣其逃亾減損之數亦與瑞州相等此二郡之志班班可考按戶口之數自宋元至明弘治年間已消亾過半而自弘治迄今又經數百餘載近來屢當兵燹驚散疫痢傷亾其中消耗之戶又不知凡幾而額載之糧總未減其毫末夫人愈少而賦愈重賦愈重則錢糧愈覺其難完所以年復一年轉相拖欠民徒受其敲朴官徒

受其降罰散離相枕溝壑時盈究之亦何補於國賦也此在曩昔承平之時猶多積逋從無完期故牧斯土者曾以七分考成尚不能如期如式蓋無土而糧誠巧婦之難可以不問而知者今我皇上親政以來洞切民隱諮諏博訪百度維新更令覲臣各陳利弊與民更始此右布政使莊應會巡南道僉事安世鼎以身親目覩之大累而爲應旨求言之直陳也倘沐

皇恩大沛鴻慈軫恤二郡三百年之積困將袁屬之

糧每畝一斗六升七八合之誤科減照新喻上則每畝科九升三合之實賦庶見在子遺得以安心茲土後來生聚必至盡力正供田野日闢

國賦日增實大有裨益矣今據該司道會詳前來除將二郡所存志書送戶部查考外臣謹會同江南督臣馬國柱合詞具

題伏乞

勅下該部覆覈准與豁行臣等轉行遵奉施行等因順治十年九月十五日題十月二十七日奉

聖旨著議奏該部知道欽此部覆該臣等看得先該布政使莊應會奏瑞袁二府科糧獨重議清浮糧與各府相準臣部請

勅該督撫查元季明季冊籍或地係膏腴或從前誤編有何確據勘實具奏今該撫具題送到瑞袁二府志書袁州志內稱明初每畝納米一斗六升五勺比元季每畝多七升五勺共該米十萬八千一百二十五石零較之新喻上則田每畝仍多米六升七合二勺六抄九撮前後額數懸絕志書開載

分宜縣志
甚明

本朝有利必與無害不萃何獨重累此一方民似應
清減以昭

皇上浩蕩之恩雖歷年舊額相沿但江西全省遞年
荒歉在在告蠲二府以極瘠之地有倍額之糧責
之樂輸勢所不能相應將袁州府浮糧減照相連
之新喻上則田徵糧事關錢糧臣等未敢擅便應
請

聖明裁定者也既經該司案呈前來相應覆 請恭

候

命下臣部轉行遵奉施行等因順治十一年三月初
四日題初五日奉

聖旨道浮糧積久重困一方應從原額清汰著該督
撫飭該府縣官確遵減免毋得踵弊混徵有辜德
意欽此欽遵抄出到部送司奉此相應咨會案呈
到部擬合就行爲此合咨貴部院煩爲遵照本部
覆奉

聖旨內事理欽遵施行等因准此擬合就行爲此仰

司官吏照牌內事理即便移行湖西守巡道轉行
袁府廳縣遵照併出示各縣通行曉諭府屬士民
人等知悉要知積累三百餘年之虛糧荷蒙

聖明洞察立垂矜恤 大賜減免使瑞袁黎庶子子

孫孫從此無賠累矣爾士民務宜仰遵

鴻恩除減之外將應納錢糧亟行完納毋再拖欠
如有奸胥積蠹踵弊混徵以及減派不均者爾百
姓人等指名赴告以憑立拿正法各具遵依無辜
德意併行各於府縣公堂豎立碑記將本部院題

疏叙入刊刻成書入二府縣志之內仍於藩司堂
上併立碑文以垂永久俱無故違等因到司奉此
除移各道外合就飭行爲此仰府官吏查照院牌
併奉

聖旨內事理一體欽遵施行俱毋故違

按袁州田土磽瘠明興三百年來官民交困矣前
蒙

覃恩汰浮減派豈非起九死之民而回之以生乎查
明正統天順年間各印信由票每糧一石派銀三

錢一二分至四五分而止嘉靖萬曆年間每糧一石派銀四錢一分八釐二毫而止末後官則私差遼餉練餉等項每石至七八錢幾分有零是以民窮盜起不可支矣

世祖朝奉

旨每畝科米九升三合二勺三抄一撮每糧一石派銀至七錢幾分有零較之嘉靖萬曆已獲適均而比正統天順年間猶重一錢有零所望吏茲土者考合前後加意軫恤勿以爲已汰之浮漫不加意

庶幾洞悉民隱於

烈祖不世之殊恩爲無負也至夫馬雜差等項終編事例自宜清楚恪守豈宜復問之里甲今郵站已復民稍甦息而解差一項藉口津幫每年復有私徵則是一封而兩剝其皮也故方今善政惟以痛革幫解爲第一若舍此不圖止日見年之一年積多而難應乃零星逐年加派於各石是又朝三暮四之術也民其堪此乎夫汰浮而甦累者聖天子之特恩也悉隱而軫恤者良有司之職也

念磽瘠之區處繁難之地加意撫循庶幾久蘇之
餘猶獲生聚云爾

康熙二十二年六月奏

于嗣昌府大守

袁州府正堂加一級于

禁止火耗爲火耗之屢禁

雖嚴各屬之奉行不力今值齋鏡高懸急宜猛省以
保身家以顧性命事照得火耗之難禁皆由於各
上司有必不可少之應酌地方官有必不可少之捐
派並解兌時有必不可少之加收此納餉黎庶受累
之由徵糧有司喪身家性命之本也此其

上司而各屬易於推諉也殊不知有等喪心之輩專
一借此應酌捐派並解費名色以爲口實公然無忌
濫行加收而肥己私囊者又在於不可問之天壤此
等之徒俱各自信其善爲身家計而實不知性命關
頭在是也言之實爲可憐今何幸而職司救世聖賢
之下日領申飭告誡之詞如斷絕應酌嚴禁雜派稽
察關徵停止叅謁痛革夤緣頒發誓詞等檄那一字
句不是誠中形外之語救民水火之實政乎誠所謂
三代以前之治可復見於今日時也爲其屬者尚可

推諉曰本欲從良其如念八不肯何耶此喪心敗德之詞似不可言於今日矣合行嚴飭爲此仰縣官吏細閱飭行事理速將從前故套虛文改爲實心實政事事仰體

督撫告誡

司道申飭不敢絲毫踰越斷不致有不

測之恐如錢糧項下各 上司旣無誅求誰肯輕易放過任其自飽徵糧官何苦以有限之輕重戡頭而拚無窮之身家性命可惜可惜嗣後該縣如遇徵糧之時卽查明各該戶下應完數目實照部頒發馬命

其自秤自行投櫃於包封上註明姓名銀數以便稽查實在一毫火耗全無百姓斷無不踴躍爭先完公者不惟易全考成抑且流芳千古至於解費該縣旣無火耗之徵何得復有解費之比如應解錢糧若干卽照所頒法馬秤兌止委員役押解將銀交給鄉耆令其解司兌收不得少有增減仍將確數報府轉報有費無費鄉耆任之該縣自名實俱全矣倘仍執迷猶曰 上司雖無應酌捐派各人身家將何資以養贍乎獨不思無錢糧之任者亦有身家否俸銀已復

分宜縣志
不可謂無養廉之需衙署見存不可謂無安身之地
一切應接事務悉問諸良心過得太始行得太不惟
身家性命可以無憂卽世世子孫亦受用不窮矣遵
之慎之等因到縣見遵奉力行悉除積弊民賴休息
土貢

茶芽二觔一十五兩 活野鷄一十二隻 鵝翎
五百五十根 雜色皮二百八十五張 弓三百
六十張 箭三千六百根 弦一千八百條 本
色苧布一千四百六十四疋
以上土貢俱派入
條編內徵銀彙解

明 徭役

役法有四曰里甲曰均徭曰驛傳曰民兵皆所謂
力役之征萬曆初年題准行一條鞭通計一縣歲
所應起存支用差銀若干兩俱于丁糧內均派徵
銀在官凡官府所當取辦使客上司供應一應在
官諸役夫馬等項悉官給銀買辦僱募而不與于
民里甲止是催徵自條鞭以後有司有擅用里役
者汰參奏

明里甲歲徵銀四千壹百三十二兩五錢零遇閏

另加均徭歲徵銀壹千七百三十九兩五錢零遇
閏另加

驛傳歲徵銀六百一十七兩八錢遇閏另加

民兵歲徵銀一千九百六十三兩六錢遇閏另加

帶徵戶口食鹽鈔額編銀一百七十六兩七錢零

遇閏另加

國朝並無四差名色凡錢糧總在起運存留條編徵

解內

明鋪兵四十四名

國朝存三十四名每名工食七兩二錢共銀二百四十四兩八

錢遇閏每名加銀六錢

明民兵原額七百二十一名後減為三百八十五

名

國朝改編塚夫四十名每名工食銀七兩二錢共銀二百八十

八兩遇閏加銀六錢近奉裁解

明走遞差夫原額三百五十名後減為一百五十

名

國朝初編七十八名每名工食銀一十四兩共銀一千九十二

兩後因題減浮糧酌減三十名實存四十八名近
又奉裁實存三十三名工食銀四百六十三兩五
錢遇閏每名加銀一兩一錢六分六釐六毫
明走遞差馬額九十疋後止畱六十疋

國朝題減浮糧酌減二十四疋近又止存一十二疋
鞭夫三名工料銀二百九十一兩六錢遇閏共加
銀二十四兩七錢五分七毫

鈐邑路當衝要遇有 上司往來軍需遞解以及
銀鞘繁冗夫馬不支取給當年村里民益疲困本

縣雖念切痼瘼勢不能爲無米之炊此實重爲地
方累者謹用志之以備申請之所不及後之繼今
者其畱心乎

兵衛

袁地竟江以西交湖湘瀏陽上高諸境盜警不時
畧與贛同故上游惟袁贛設衛近則衛尸其職屯
伍不均軍大遁耗田多荒沒衛爲虛具

國朝設鎮駐防而造船領運之役猶仍明額其何能
支謹述順治癸巳袁司李王公廼禎兵議 按袁

郡在所平時止有團練民兵三百一十八名分防
郡縣每名工食歲入兩六錢四分守令提調不敢
恣橫明崇禎六年流賊四起郡侯田有年始詳設
標兵百名把總一哨官二統領以防插嶺關又編
僧兵百名以防慈化喝斷山挑選衛軍壯者給以
雙糧使互相城守是猶無損于公家也崇禎十年
流寇犯袁紳衿議設義兵宜萍各三百分萬各二
百崇禎十一年撫院解公發省營兵四百名把總
一員哨官四員統之十六年獻賊犯袁總鎮左良
玉兵踵至追逐於是賊梳兵篋地方騷然矣十七
年江督袁繼咸遣標將謝騰雲率兵千餘防袁餉
則司餉也

大清定鼎袁土初入版圖長沙尚未向化所在伏莽
竊發委將郭天才鎮袁兵丁廝役等共二萬餘名
順治三年部推副將尚登第協守始有專官見設
兵將每年約俸餉銀三萬二千八百兩有零此袁
郡設官之原委也今外患內憂均難弛備然去歲
隣警仍求外援潯鎮兵來但聞擄掠蘇都司防禦

萍鄉所部士兵盡逃止統親丁捍禦幾罹不測土
兵之緩急不足恃卽此槩見知將不在高銜而在
勇恟兵不在多寡而在精練果能實心簡諫不冒
虛糧堪戰之兵雖數百可也多復何益倘謂兵少
剿戰守難兼不知守兵在城何嘗登陴警夜自晝
遊行里巷或邀截柴米蔬菜或壓買雞豚砍伐薪
木或離伍貿易帶引叛僕且一隸兵籍卽逋抗錢
糧甚有族黨鄉黨俱爲包逋使長吏束手而莫可
問又有部氓一委手把之職卽乘馬蓋黃抗邑長

吏至有操其長短者兵丁卽守令薪米攘奪不怨
平民可知也此輩肆橫監司亦未據行法則守令
可知也戰守機宜府縣槩不與聞一有踈虞不免
先受處分恐府縣亦不任受也今欲使兵民相安
莫若使兵有制而畏法欲兵有制而畏法莫若使
之稟令於府止設守備一員千總二把總四兵一
千名以三百駐萍一千總統之二百駐萬一千總
統之一百駐分一把總統之以備不虞四百駐府
城擁衛根本不時策應知府總其大綱各縣分其

久宜縣志 三十一
訓練兵不擾民民不苦兵一旦有急可恃以無恐
矣至於守兵又有可議者彼妻子墳墓散處各鄉
猝然有事欲閉之城中使爲我捍禦必不得之理
也計莫若慎選府兵而操練之夫營中守兵一年
計食餉十二兩府兵每年僅八兩六錢四分猶之
土著也一兵較減三兩三錢六分畱原額民兵卽
減去守兵三百一十八名當減餉三千八百三十
六兩再招足民兵以合八百之數卽減餉一千六
百一十九兩零待人數旣足後漸裁營中守兵是

袁州戰守之兵而袁已去八百名之實仍存一千
六百也但此議所關最大遇變而兵將奔潰責不
及兵將無兵而少有亾失則咎歸議裁之人此日
後之慮也目前不密一露此言則禍且不測此且
夕之慮也袁人相傳爲切中時弊云

一新增帶徵

袁衛屯田一百八十八畝

折徵銀一十八兩三錢

袁衛編徵屯丁三十丁

徵銀三兩八錢二釐二毫遇閏每丁加銀一釐二毫八系九忽七微九纖八沙

附順治十一年袁州衛弁妄攀遠軍平民袁州遠衛紳士公呈呈爲減制編軍欺國陷民事遠近二軍原自迥別有本衛軍戶隸役袁伍積享屯利應當運差有各縣軍籍因祖遠戍或同戶或同姓或里絕歸甲甲絕歸里隨緣軍以名籍自耕民田當民差役地消乏勾克補伍故籍雖名軍戶役各異今袁州衛蠹賄同衛弁捏稱班軍名色妄扯四縣遠

軍幫造不思袁衛額軍坐享本衛額屯不當民差止克造運典例昭然某等世當民差世補遠伍倘遭誣陷見今民戶何人當役異日勾補何人承克且四縣軍籍千有餘家祖宗因罪發遣遠戍子孫無辜復承戍本地朝廷有此令甲乎若謂編定

本地然後開銷彼軍是在外者止克一身之軍而在本地則遣全家之戍也伏懇安集民生立碑永禁廢衛弁運軍不得行蠶食之計矣袁州府推官王延禎申詳袁民之隸於軍籍者皆其祖父荷

戈於各省而其家族編民於本地因祖父戶名謂之軍籍若袁衛又皆其祖父由外省而遣戍於此者也版籍昭然軍民不紊且有屯僉造僉運是其分內事若軍籍之民世克民差其族屬當班於異省而爲軍者焉知不苦於造苦于運乎乃衛弁與積蠹巧借班軍名色朦朧混申欲借軍需重務而陷億萬生靈驅順則之民編爲有罪之軍漕務雖云孔亟無故而推民於水火聖上亦所不忍也況彼爲世軍免爰物外此爲世民

雉羅局中袁衛多一軍戶則袁郡少一民差見在差徭又誰爲承克各省勾補又誰爲頂替耶論極凱切知府吳南岱復爲申請糧道王嚴禁溷僉民得甦焉

按軍裔僉運之謀萬一混行袁民一路哭矣王公力諍之方張之時吳公繼請之行查之日仁言之利溥哉

附康熙三年九月內因袁衛屯丁李袁生等爲袁衛軍船缺額信會成例可援叩天按籍清勾免致

偏枯獨累事又據闖郡士民周重六夏茂華盧潮等為刁軍滅制藐案栽陷遠衛旁支籲天大破羅織救民水火事具控 巡撫部院董奉批仰督糧道查報奉道牌行到府蒙本府知府李芳春同知孫席慶推官鄭燭會詳 分巡南瑞帶管督糧道周查冊俱係袁州民發外省遠衛編軍者似與袁衛無涉仰候轉詳行繳隨奉 督糧道程憲票前事奉 巡撫部院董批據前道呈詳袁州衛屯丁李袁生袁州府士民周重六等告訴兩詞行據

該府廳公審回覆免造緣由奉批查江西衛所承造領運皆係屯軍蓋屯軍原領屯田已享屯利造運之役詎所難辭而周重六等既非袁衛之軍又未食袁之屯李袁生等何得牽告幫造仰道嚴行禁絕仍將為首之李袁生重責示儆繳奉此合就抄詳行知為此仰府查照粘抄備奉

院批事理即將首名屯丁李袁生責懲仍移會軍刑各廳併轉行袁州衛及宜分萍萬四縣一體遵照分宜縣為諮訪利弊以備採擇事奉 蔡文鸞

總督江南江西等處地方文武事務兼理糧餉操
江兵部尚書兼都察院右副都御史于 憲牌前
事到縣內云照得大弊不革則大利不興一縣有
一縣之利弊一鄉有一鄉之利弊自當因地制宜
相時與革但兩江幅幘遼濶一時耳目難週端在
賢有司殫心匡理庶

國計民生兩獲安全况江西兵燹遺黎瘡痍未起尤
宜加意釐剔以臻至治凡有利國利民所當興者
幾何事害國害民所當革者幾何弊該縣身在地

方見聞必確合行諮訪爲此票仰該縣官吏照票
事理卽將該縣地方官政民情有宜于昔而不宜
于今利于官而不便于民或利所當興慮阻撓于
勢要或弊所當革苦積習之因循其最關民瘼安
上全下事宜該縣務須明白指陳

本部虛衷採擇極力舉行毋得假公濟私捨大言小
浮詞據拾徒煩披閱速速等因奉此該知縣蔡文
鸞看得興利必先去害至治所以安民茲奉諮訪
利弊一概仰見

憲臺留心民瘼孳孳求治下體不遺俾末屬芻蕘
得以竄獻此誠千載竒邁兩江官民額手之時尚
有痛痲疾苦壅不

上聞非所以仰答高厚也卑職謹將分邑疾苦爲
憲臺痛陳之一荒糧之賊累宜恤也分宜彈丸硤
土萬山叢逼先年寇逆變亂殺擄男婦田地荒蕪
過半續奉各將軍兵馬鎮臨外駐地方蹂躪先苦
于賊繼苦于兵歸鴻未幾開墾實遲除前十七八
九年陸續招墾報回起徵外今尚未墾老荒砂礫

田地塘七十五頃二十八畝二分零缺徵銀四百
八十九兩四錢零屢經申報荒缺在案卑職于二
十年九月初二日到任適逢編審畝甲有一畝止
存四五里者亦有一畝止存二三里者十八十九
兩年

朝廷恩免半徵尚可以支持至二十年則奉

部文不論荒缺俱全徵矣卑職任事催科雖極力
招補勸民開墾無奈地瘠民稀實難開墾足額以
致賦額虛懸卑職再四畝維既不敢派補以累民

亦不能捐糜以代墊更不敢袖手自悞以貽及各
上憲之考成只得多方措揭借解少緩處分之例勉
爲剜肉醫瘡之計此分邑官民交困所當痛陳者
一也一棚民之丁口宜豁也分邑界連楚疆先年
奉徙流民男婦寓居分邑嶺上結棚爲舍耕種麻
蔗以資生因以棚民名目第此棚民原非土著無
藉貫以拘無樂土可戀去留莫定不知前立議者
何心槩將棚民男子捌拾四丁婦女八十四口載
入由單報

部近年編徵共丁口銀一十一兩二錢七分一厘
九毫遂成不易之規迨至楚氛告變此輩烏合旣
繁揭竿起應續奉殺逐靡有孑遺萬難招補近年
額徵丁口虛懸累賅所當痛陳者二也一稅契之
加增宜減也稅契一項原無定額徵收出自民間
有力受業之家奈分宜山陬瘠土值價幾何况自
兵燹之餘民多貧乏有業而欲售無主近年俱係
照契徵收查前縣十八十九兩年僅共徵銀三十
三兩二錢七分九厘二十年分新奉

部文加增前任藩司王概將議定分邑每年稅契銀一百二十兩報

部前縣林奎僅徵完銀一十五兩四錢六厘八毫
卑職九月任事續又徵完銀九兩一錢二分原奉
藩司發下契尾號簿可據尚缺銀九十五兩四錢
七分零因值奏銷期迫卑職不已措揚起解全完
足額然此亦不過一時醫剗之計難免後來疊累
之慘所當痛陳者三也職豈不知國用多艱正下
吏竭忠籌餉之日尚敢以蠲荒請無如身任地方

目擊民生疾苦之情顛連之狀不得不繪圖瀝告
伏乞

鑒奪如果職言不謬懇請

憲臺俯賜題蠲以免積累庶分邑官民實荷再造
于無窮矣卑職在分言分緣奉

憲檄諮詢事理合就條詳

康熙二十一年八月十五日奉

批據詳已悉此繳

分宜縣志卷之三

縣署

分宜縣治宋雍熙元年析宜春地置縣濱秀江景祐
丙子大水邑宰王揆建大門長樓架閣卷籍以備
水患淳祐間邑令李宏規修元季燬於兵明初知
縣張仁主簿桑以時仍舊基重建弘治三年知縣
曹忠新正廳正德七年知縣蕭時賓新公廳并後
堂嘉靖乙巳知縣申思夔重建萬曆乙酉知縣周
應治修近又毀壞見在修葺

正廳

○幕廳正廳右

○敬事堂正廳後

○知縣廨敬事堂後廂
曰水玉堂

○縣丞廨敬事堂左
明天堂
啓年間
裁遂毀

○主簿廨敬事堂右
奉裁遂毀
國朝

○典史廨主簿廨前存

○六房順治十二年俱毀
知縣朱鼎重建

○吏舍二十四間

龍亭庫正廳左

庫房正廳後

縣獄儀門右
十二間

土地堂儀門左

○儀門五間
縣張懷德重修
國朝知

○譙樓縣前左
臨江知縣朱鼎修
康熙戊午七月
見任蔡文鸞捐貲

補葺舊名五因樓知縣
馬孟禎有記碑存

申明旌善二亭今廢

陰陽學湖西道
左今毀

醫學

邑東十五步今毀

僧會司

即真果寺見存

道會司

在上真觀毀

安仁驛

舊在湖西道東明嘉靖丙辰知縣許從龍議遷於東門外後又移入邑中崇禎間驛

毀裁遂

布政分司

邑東四十五步今廢

湖西道

邑東三十五步毀址存

府館

明弘治五年知縣曹忠改建總舖地今毀

察院行臺

邑東數十步見存

儒學

學宮舊在邑治東三十五步宋初建於邑西五里

宣和間遷清源渡嘉定間復建於西郊端平元年

知縣趙思恕創學舍自為記元至元二年縣丞徐

邦憲新明倫堂學士虞集記壬辰兵毀明初丙午

知縣張仁復建於邑治東故地洪武二十九年知

縣王思中建尊經閣廚庫廨宇景泰五年知縣吳

江新大成殿天順四年知縣吳倫重修成化二十

三年知縣莫立之新明倫堂東西二齋知縣曹忠

嗣其事學士汪諧記嘉靖己酉巡撫都御史傅鳳
翔行縣視學見學舍多敝壞檄有司重修少師嚴
嵩捐俸助役又道府准諸生議建敬一亭及鄉賢
名宦祠逾五十年而坊舍隘塞風氣失利賢書希
濶萬曆丙申署教諭李一色請於署縣推官徐之
孟改闢戟門瞰江儀門見文筆峰知縣鄔元會竟
其役外內敞豁文運漸振萬曆己未

聖廟傾圮知縣張三聘署教諭王廷對拮据鼎新天
啓崇禎年間知縣張國經曹國祺洪名臣教諭夏

應舉繼修

國朝順治十年五月大風雨 文廟傾圮康熙六年
知府李公芳春躬行按閱捐資重建棖桷維新十
三年隣封寇變大兵駐縣毀壞兩廡并儀門知縣
蔡文鸞見在修理

先師廟

在邑東

東西廡

修復

啓聖公祠

舊在明倫堂今在儀門左

櫺星門

舊有泮池後即江流爲池



P5

戟門

宰牲房

毀今

明倫堂

毀今

尊經閣

毀今

神廚

毀今

神庫

毀今

膳堂

毀今

舊二齋

扁曰尊德齋
樂義齋今毀

號房

毀今

公廨

毀今

學倉

毀今

射圃

毀今

敬一亭

在啓聖
祠後毀

學田

官田在毀

學故無田明大中丞常夔徐枋淮程郡守文請以
匿報嚴氏官田分膳五學見張大史秩記其田在
八廟前者九十八畝并官庄一區在耽江者二十
六畝在武源者田塘一十六畝租銀歲徵備賑貧

生今田仍舊而其糧令門斗輸納學宮不與焉除完糧外租銀解學道歲款則尚不敷

社學

一在邑東門起運倉左一在邑治西明正德七年知縣蕭世賓立今基址僅存

舖舍縣前總舖

縣前三俊坊下

金塘舖

縣西十里

昌山舖

縣西二十里

路口舖

縣西三十里

彬江舖

縣西四十里宜春界

白田舖

縣東十里

聖陂舖

縣東二十里新喻界

金鷄舖

縣南十里

新齒舖

縣南二十里

朱陂舖

縣南三十里

桑棗舖

縣南四十里

石鎮舖

縣南五十里安福界

倉儲

濟畱倉

在水南一里明洪武初立今廢

城隍倉

間

舊在城隍廟前明知縣莫立之因地勢有水患徙水南兩廡三十間正廳門屋各三

東倉

邑東二十里儒林鄉地名南山

西倉

邑西二十里化全鄉地名昌山

南倉

邑南二十里地名新齒

北倉

邑北六十里文標鄉楊橋以上四倉俱各三間

石鎮倉

邑南八都石分市

嚴渚倉

邑南十都

美塘倉

邑北三十里

漿源倉

邑北十八都俱明景泰初知縣吳江建以上俱廢

萬石倉

水南一里東西兩廡明弘治間知縣吳蘭創萬曆六年推官徐桂署縣重修崇禎癸

未兵毀

水次倉

即起運倉原邑治東門外風雨壇側明萬曆二十八年知縣馬孟禎建崇禎間楚寇

犯袁知縣洪名臣議以倉址改為營房安插添設官兵其起運倉屋移城內東關隙地建二十四間以貯南米今存

壇壝

社稷壇

邑治西宋邑令程邁立明洪武七年知縣戴備訥奉制重立祀典與府

風雲雷雨山川壇東門外制與府同

邑厲壇北門外

鄉厲壇三十五所各鄉都

五穀壇三十五所各鄉都

祠廟

城隍廟邑治西四十步明洪武初知縣張仁建祀典同府國朝康熙元年知縣朱鷄修因

兵毀見任蔡文鸞見在修葺

仰山行祠在鈴岡之巔每歲春秋仲月望日有司致祭明崇禎癸未楚寇張獻忠由安福

犯鈴祠宇悉毀今構數椽祀像迥异前制矣

名宦鄉賢祠祀各宦宋郎簡王揆尚輔謝諤許及之明張仁戴備訥陳繼宗周瑛吳江

吳瑀莫立之曹忠吳蘭應昌夏思義李藩曲入繩鄉賢漢陳重唐盧肇宋孫億趙若燭趙祀材明劉仲質黃子澄嚴孟衡李香袁怡宋希堯嘉靖末以二祠併啓聖祠改明倫堂東即呈取復嚴氏世德堂今毀

嚴氏世德堂今毀

邑令祠邑南大清里元至正壬午楚文公歐陽立率族子所性立祀祖南唐宜春令殊後以

立配久廢

歐陽學士祠祀元歐陽立立仕元為翰林學士承旨封楚文公久廢

陳重祠在邑北陳雷里

號江水府廟邑東五里世傳土人李公者殿為水府神託夢邑令求嗣因祠祀之新

嘗登任及陞遷俱致祭焉祠前有...江爲迎
饑之所今正廟俱毀僅存前門

閱城君廟 邑西昌山渡相傳有閱城人祀之唐大和間盧萼

嘗夢龍伯謂曰君將爲江西縣令萼後果宰宜
春爲立廟盧肇記地當孔道廟宇傾圮 國朝
知府吳南岱檄修未竟嗣知縣朱鼎次第修葺
康熙三年巡撫都御史董公衛國發三十金諭
縣鼎建前亭層楹飛楠視昔加盛守憲施公閏
章補葺有記

黃大常祠 在縣治西新街巷內明正德中知府羅

祀副使邵銳記萬曆六年知府鄭惇典檄知縣
趙夢日重修額曰表忠十四年知縣周應治置
祭田三十八畝五分有記四十七年知府黃鳴
喬修復其祖墳立碑有祭文年久祠圯守憲施
公閏章過邑訪問親視行票查復前邑令朱籍
設法重建又遭兵毀門壁俟葺

寺觀

福勝寺 邑西五里吳寶鼎建唐武德間名齋隆元

真果寺 舊在儒學左弘治間
遷于城隍廟左

法雲院

安覺院 邑東北
一百里

福真院 叢林

棲真院

廣化院 今
坵

崇化院 今
坵

會勝院

在縣南五十里

永清院

院內有白巖清暉閣方池古松圭齋為賦
四詩歐陽貞撰清暉閣賦

龍壽院

圯

崇法院

邑北三十里
大泉山

崇真院

邑北三十五里
清泉古剎

感慈院

邑西五十里
文標鄉

普淨院

在縣南
三十里

集聖院

圯

顯教院

寶雲院

吉祥寺

化全鄉紫霞山
叢林

惠照院

縣東二
十里

石龔菴

存

壽昌院

以上
邑北

寶慈觀

邑東
南

南岫菴

叢林邑西五
十里有八景

上真觀

邑東相傳晉鄧真人
飛昇之地今圯

烟堂觀

邑西
存

洞靈觀

邑南玉華山晉建宋紹興賜名川重修相傳晉時一女子修煉誓言遇三五必成丹

初至玉華山次至玉虛觀次至安福玉仙院丹成飛昇今煉丹池存

玉虛觀

邑南五十里豐樂鄉存

真聖觀

邑南三十里化全鄉存

南嶽堂

邑南

崇道觀

邑北存

威德寺

招賢鄉在縣南

興化寺

招賢鄉在縣南

會化寺

在縣南三十五里

妙圓寺

在縣北清教鄉存

薦福寺

在縣北清溪里

寶慶寺

縣北上樂里

明智寺

在縣南

法安寺

縣北彰善鄉

極樂寺

縣北德全里存

金仙寺

縣北九十里

賢聖堂

在縣南大和里

法雲寺

在縣南一里

廣慶寺 縣南新興里癸未有僧越凡徒悟修重興道場

惠林寺 在縣北六十五里

瑞相寺 在縣北陳雷里

不二寺 在縣北宣德里

慈勝寺 在縣北德興里

淨居寺 在縣北二十里

紫霞觀 在挺秀鄉新安里

崇道觀 在清教鄉

普明寺 在縣東文苑里

德化寺 在縣北江下里

聖因寺 在縣北陳雷里

智林寺 在縣西化全鄉

仁濟寺 在縣西南二十五里

安淨寺 在縣北寧安里

清真寺 在縣西南遵化里

延壽寺 在縣西德崇里

觀音閣 在縣西三里官府迎送多駐節於此地

高嶺菴 在文標鄉白水境內菴後山名稍嶺係縣來龍祖山

誠惶誠恐

分宜縣志卷之三終

恭祝萬壽無疆

無任瞻天仰聖激切東屏之至謹奉表稱謝以聞

一 康熙五十五年歲次丁酉新科舉人 臣等

